

STARFSREGLUR STJÓRNAR FÍ FASTEIGNAFÉLAGS SLHF.

1. gr. Skipan stjórnar

- 1.1 Stjórn félagsins skipa þrír aðalmenn og einn til vara sem kosnir eru á aðalfundi til eins árs í senn í samræmi við 16.1 gr. samþykkta félagsins, dags. 5. janúar 2016.

2. gr. Skipting starfa innan stjórnar

- 2.1 Félagsstjórnin skal strax að loknu stjórarkjöri koma saman til fundar, þar sem hún skiptir með sér verkum.
- 2.2 Við kjör til trúnaðarstarfa skal beitt einfaldri meirihlutakosningu. Falli atkvæði jöfn ræður hlutkesti.

3. gr. Verksvið stjórnar

- 3.1 Stjórnin fer með ákvörðunarvald í öllum málefnum félagsins sem ekki eru öðrum falin sérstaklega samkvæmt lögum, samþykktum félagsins eða ákvörðun hluthafafundar.
- 3.2 Meirihluti stjórnar ritar firma félagsins.
- 3.3 Félagsstjórn veitir prókúruumboð.
- 3.4 Á stjórnarfundum skal ræða og taka ákvörðun um mál er varða stjórnun félagsins samkvæmt ákvæðum laga, samþykkta og skilmála félagsins, þ.m.t.:
- 3.4.1 ákvarðanir um kaup á fasteignum að undangenginni (i) áreiðanleikakönnun Kviku banka hf., kt. 540502-2930, (hér eftir einnig nefnt „Kvika“), sbr. 10.1 gr. þessara starfsreglna, og (ii) samþykki fjögurra af fimm ráðsmanna fjárfestingaráðs eða varamanna þeirra um að vísa fjárfestingakosti áfram til stjórnar félagsins, sbr. 26.2 gr. samþykkta félagsins.
- 3.4.2 ákvarðanir um sölu fasteigna og lausafjár félagsins.
- 3.4.3 aðrar ákvarðanir sem falla undir 19. gr. samþykkta félagsins, dags. 5. janúar 2016.
- 3.5 Stjórn félagsins hefur lögbundnu hlutverki að gegna sem henni ber sjálfri að annast nema heimild sé veitt í lögum til að framselja valdið með umboði.
- 3.6 Stjórnin skal gæta þess að starfsemi félagsins sé í samræmi við tilgang félagsins samkvæmt samþykktum þess og marka stefnu þess. Stjórnin skal gæta þess að skipulag og starfsemi félagsins sé ávallt í góðu horfi og að nægilegt eftirlit sé haft með reikningshaldi og fjármunum félagsins.

4. gr. Fyrirsvar félagsstjórnar

- 4.1 Formaður félagsstjórnar er málsvari stjórnar og kemur fram fyrir hennar hönd varðandi málefni félagsins, nema stjórnin ákveði annað. Einnig kemur formaður fram út á við fyrir hönd félagsins, ásamt



framkvæmdastjóra, eftir aðstæðum hverju sinni. Geti formaður ekki sinnt starfsskyldum sínum sökum forfalla tekur varaformaður við skyldum hans.

- 4.2 Formaður félagsstjórnar kemur fram fyrir hönd stjórnar gagnvart framkvæmdastjóra.

5. gr. Boðun funda o.fl.

- 5.1 Stjórnarfundi skal halda svo oft sem þörf þykir, þó eigi sjaldnar en á tveggja mánaða fresti.
- 5.2 Stjórnarfundir skulu haldnir þegar stjórnarformaður ákveður og/eða einhver stjórnarmanna, framkvæmdastjóri eða endurskoðandi krefst þess.
- 5.3 Stjórnarfundir skulu að jafnaði haldnir á skrifstofu félagsins, en halda má þá annars staðar eftir aðstæðum, þ.m.t. með notkun síma eða öðrum samskiptabúnaði.
- 5.4 Í lok hvers stjórnarfundar skal að jafnaði tekin ákvörðun um hvenær næsti stjórnarfundur skuli haldinn.
- 5.5 Framkvæmdastjóri á sæti á fundum félagsstjórnar og hefur þar umræðu- og tillögurétt, nema félagsstjórn ákveði annað í einstökum tilvikum.
- 5.6 Endurskoðandi á rétt á að sitja fundi félagsstjórnar þegar fjallað er um reikningsskil sem hann hefur áritað. Skal honum jafnframt skylt að sitja stjórnarfundi ef einstakir stjórnarmenn óska þess.
- 5.7 Til stjórnarfundar skal að jafnaði boðað með 7 daga fyrirvara. Stjórnarformaður getur þó ákveðið skemmri frest telji hann það óhjákvæmilegt vegna sérstakra aðstæðna. Stjórnarmönnum er heimil þátttaka í stjórnarfundum með fjarskiptabúnaði.
- 5.8 Til funda skal boðað með tölvupósti eða símleiðis. Skal dagskrár getið í fundarboði.
- 5.9 Að jafnaði skulu fundargögn og dagskrá stjórnarfundar vera aðgengileg stjórnarmönnum á vefsþæði félagsins að minnsta kosti fimm dögum fyrir stjórnarfund. Stjórnarformaður getur þó ákveðið skemmri frest telji hann það óhjákvæmilegt vegna sérstakra aðstæðna.

6. gr. Ákvörðunarvald, atkvæðagreiðslur o.fl.

- 6.1 Félagsstjórn er ákvörðunarbær þegar meirihluti stjórnarmanna sækir fund enda hafi fundurinn verið boðaður í samræmi við 5. gr. þessara starfsreglna.
- 6.2 Ákvarðanir skulu tekna í samræmi við 19. gr. samþykkta félagsins.
- 6.3 Formaður félagsstjórnar stýrir stjórnarfundum, en varaformaður í forföllum hans.
- 6.4 Óski stjórnarmenn að taka upp einstök mál utan stjórnarfunda skulu þeir snúa sér til stjórnarmanns eða framkvæmdastjóra félagsins.
- 6.5 Óski stjórnarmaður eftir frestun á afgreiðslu máls, skal sú almenna regla gilda, að frestað sé afgreiðslu til næsta fundar, enda sé að minnsta kosti ein vika milli funda.

óheimilt að taka gögnin sem lögð eru fram í málinu með sér af stjórnarfundum eða úr húsakynnum félagsins, auk þess sem óheimilt er að ræða málið við aðra en málsaðila.

- 8.4 Stjórnarmenn og framkvæmdastjóri skulu ætíð gæta varkárn og trúnaðar við meðferð gagna og upplýsinga, sem varða viðkvæma hagsmuni félagsins og í samskiptum sín á milli, m.a. við fjöldun gagna og hvenær mál eru rædd í síma eða tölvupósti.
- 8.5 Þagnar- og trúnaðarskyldan helst þótt látið sé af stjórnarstarfi.

9. gr. Vanhæfi

- 9.1 Stjórnarmaður sem telur hæfi sitt orka tvímælis skal vekja athygli á því.
- 9.2 Stjórn sker úr um hvort mál er svo vaxið að stjórnarmaður kunni að vera vanhæfur að teknu tilliti til þessara reglna, samþykkta félagsins og gildandi laga. Stjórnarmaður sem hlut á að mali má ekki taka þátt í atkvæðagreiðslu um hæfi sitt.
- 9.3 Stjórnarmaður eða framkvæmdastjóri mega ekki taka þátt fyrir hönd félagsins í meðferð máls um samningsgerð milli félagsins og þeirra, um málshöfðun gegn þeim eða um samningsgerð milli félagsins og þriðja manns eða málshöfðun gegn þriðja manni ef þeir hafa þar verulegra hagsmuna að gæta sem kunna að fara í bága við hagsmuni félagsins. Skylt er stjórnarmanni og framkvæmdastjóra að upplýsa um slík atvik.
- 9.4 Leggja skal fyrir félagsstjórnina til staðfestingar eða synjunar alla samninga sem stjórnarmaður eða framkvæmdastjóri kunna að gera við félagið og samninga milli félagsins og þriðja manns ef stjórnarmaður eða framkvæmdastjóri hafa verulega hagsmuni af slíkum samningum og þeir hagsmunir kunna að fara í bága við hagsmuni félagsins.
- 9.5 Stjórnarmenn skulu, er þeir gerast stjórnarmenn, gefa stjórninni skýrslu um hlutaeign sína í félagini. Skulu þeir jafnframt geta um eignarhluti tengdra aðila. Skulu þeir enn fremur gefa stjórninni skýrslu um breytingar á hlutaeigninni.
- 9.6 Stjórnarmenn skulu, er þeir gerast stjórnarmenn, upplýsa um setu í stjórnnum annarra félaga. Skulu þeir jafnframt upplýsa félagsstjórn hverju sinni er þeir, eftir það, taka sæti í stjórnnum félaga eða láta þar af störfum.
- 9.7 Hæfi stjórnarmanna skal að öðru leyti metið á grundvelli laga um hlutafélög nr. 2/1995.

10. gr. Framkvæmdastjórн

- 10.1 FÍ Fasteignafélag GP ehf., ábyrgðaraðili félagsins (hér eftir einnig nefnt „ábyrgðaraðili“), gegnir hlutverki framkvæmdastjóra félagsins, sbr. 2. mgr. 161. gr. laga um hlutafélög nr. 2/1995. Þann 19. febrúar 2013 gerðu félagið og FÍ fasteignafélag GP ehf. með sér þjónustusamning þar sem afmarkað var samningssamband félagsins og ábyrgðaraðila, þ.m.t. hlutverk, þjónusta og þóknun, allt eins og greinir í þjónustusamningnum. Þann 30. janúar 2019 gerðu félagið og ábyrgðaraðili viðauka við þjónustusamninginn þar sem ábyrgðaraðili framseldi öll réttindi sín og skyldur samkvæmt þjónustusamningnum til Kviku. Kvika gekk þannig inn í þjónustusamninginn og skuldbatt sig til þess að inna af hendi þá þjónustu

sem lýst er í samningnum gegn greiðslu umsýsluþóknunar og árangurstengdrar þóknunar. Aðilar voru sammála um að framsalið til Kviku gilti frá 1. janúar 2018 á grundvelli munnlegs samkomulags sem staðfest var með viðaukanum. Á grundvelli þjónustusamningsins og viðauka við hann er Kvika því m.a. ábyrgt fyrir að leita og kanna áreiðanleika nýrra fjárfestinga, meta, hafa eftirlit og eftirfylgni með og sjá um sölu fasteigna í eigu félagsins, auk þess að sjá um daglegan rekstur og stjórnun þess. Framsalið til Kviku hefur engin áhrif á hlutverk ábyrgðaraðila sem ábyrgðaraðila á féluginu.

- 10.2 Kvika skal kynna mögulega fjárfestingakosti fyrir stjórn félagsins í samræmi við 10.4 gr. þessara starfsreglna en stjórn félagsins hefur ákvörðunarvald um kaup eða sölu á fasteignum, sbr. 19. gr. samþykkta félagsins að undangenginni umfjöllun fjárfestingaráðs í samræmi við 24. gr. samþykkta félagsins.
- 10.3 Þegar mögulegir fjárfestingakostir eru kynntir fyrir stjórn félagsins skal Kvika:
- 10.3.1 Veita stjórn félagsins upplýsingar um umfjöllun fjárfestingaráðs og staðfestingu á því að fjórir af fimm ráðsmönnum fjárfestingaráðs eða varamanna þeirra hafi samþykkt að vísa fjárfestingakosti áfram til stjórnar félagsins, sbr. 26.2 gr. samþykkta félagsins.
- 10.3.2 Tryggja að stjórn félagsins fái nákvæmar og skýrar upplýsingar og gögn svo að stjórnin geti tekið upplýsta ákvörðun um hvern og einn fjárfestingakost. Umræddar upplýsingar og gögn skulu vera aðgengileg á vefsíði félagsins að minnsta kosti þremur dögum fyrir stjórnarfundi.
- 10.3.3 Kynna mögulega fjárfestingakosti fyrir stjórn félagsins með ítarlegum hætti á stjórnarfundi.

11. gr. Skýrslur

- 11.1 Framkvæmdastjóri skal á hverjum stjórnarfundi leggja fyrir félagsstjórnina skýrslu um starfsemi félagsins frá síðasta stjórnarfundi í stórum dráttum. Félagsstjórnin getur á stjórnarfundum krafið framkvæmdastjóra um upplýsingar og gögn sem félagsstjórninni eru nauðsynleg til að hún geti sinnt verkefnum sínum.

12. gr. Undirritun ársreiknings o.fl.

- 12.1 Ársreikningur félagsins skal lagður fyrir félagsstjórn til afgreiðslu og skal stjórnin ásamt framkvæmdastjóra undirrita ársreikninginn. Telji stjórnarmaður eða framkvæmdastjóri að ekki beri að samþykka ársreikninginn, eða hann hefur mótbárur fram að færa sem hann telur rétt að hluthafar fái vitneskju um, skal hann gera grein fyrir því í áritun sinni.

13. gr. Frekari reglur um störf stjórnar

- 13.1 Um ábyrgð, vald og störf stjórnar félagsins fer að öðru leyti en greinir í starfsreglum þessum samkvæmt hlutafélagalögum, lögum um ársreikninga og öðrum almennum lögum, samþykktum félagsins og skilmálum þess, dags. 4. desember 2014.

14. gr. Reglur verðbréfamarkaðarins

- 14.1 Stjórnarmenn skulu kynna sér og vera bundnir af ákvæðum laga, almennum reglum verðbréfamarkaðarins, reglum Fjármálaeftirlitsins og reglum Kauphallar Íslands. Stjórnarmenn skulu gæta sérstaklega að þeim skyldum sem leiða af stöðu þeirra sem fruminnherja í féluginu.
- 14.2 Stjórn félagsins setur féluginu reglur um meðferð innherjaupplýsinga, viðskipti innherja og hvernig staðið skuli að birtingu upplýsinga í Kauphöll Íslands. Reglurnar skulu hafa að geyma ákvæði m.a. um skilgreiningu á innherjum félagsins, hvenær trúnaðarupplýsingar teljist innherjaupplýsingar, hvernig fruminnherjum ber að standa að viðskiptum með hlutabréf í féluginu o.s.frv. Framangreindum reglum er ætlað að tryggja að félagið og innherjar þess fari í hvívetna að reglum verðbréfamarkaðarins og efla þannig trúverðugleika félagsins.

15. gr. Breytingar á starfsreglum stjórnar

- 15.1 Einungis stjórn félagsins getur gert breytingar á starfsreglum þessum. Til breytinga á starfsreglunum þarf samþykki meirihluta félagsstjórnar.


16. gr. Varsla og meðferð starfsreglna

- 16.1 Frumrit starfsreglna þessara, með áorðnum breytingum ef við á, skal jafnan vera til staðar í fundargerðarbók félagsins.
- 16.2 Þeir sem eiga sæti í stjórn félagsins við setningu starfsreglna þessara skulu undirrita frumrit starfsreglnanna. Ef stjórnin samþykkir breytingar á starfsreglunum skulu stjórnarmenn undirrita frumrit af reglunum svo breyttum. Nýjum stjórnarmönnum skulu kynntar starfsreglurnar og skulu þeir undirrita frumrit þeirra því til staðfestu.
- 16.3 Stjórnarmönnum, framkvæmdastjóra og endurskoðendum félagsins skal afhent eintak af starfsreglum og samþykktum félagsins sem í gildi eru á hverjum tíma.

Framangreindar starfsreglur stjórnar FÍ Fasteignafélags slhf. eru settar samkvæmt 5. mgr. 70. gr. laga nr. 2/1995 um hlutafélög.

Þannig samþykkt á stjórnarfundi félagsins hinn 25. júní 2021.

F.h. stjórnar FÍ Fasteignafélags slhf.



The image shows two handwritten signatures in blue ink. The top signature is a stylized name, likely 'Hans Þórður', and the bottom signature is another stylized name, likely 'Guðrún Þórhallsdóttir'.